

IN FUNERE
PHILIPPI V.
CATHOLICI HISPANIARUM REGIS
ORATIO

HABITA IN PONTIFICIO QUIRINALI SACELLO
CUM EIDEM

VI. Kalendas Septembris parentaretur

AD SS. DOMINUM NOSTRUM
BENEDICTUM XIV.
PONT. MAX.

A MARCO ANTONIO MARCOLINI
LIBERIANÆ BASILICÆ CANONICO
ET AB INTIMO PONTIFICIO CUBICULO.



ROMÆ MDCCXLVI.
EX TYPOGRAPHIA PALLADIS

EXCUDERANT NICOLAUS, ET MARCUS PALEARINI.
Superiorum Facultate.

CATHOLICO HISPANIARUM REGI
FERDINANDO VI.

MARCUS ANTONIUS MARCOLINI
 FELICITATEM.



UM Tibi FERDI-
 NANDE REX
 POTENTISSIME, Ora-

tionem sisto, confecroque, quam in
 Funere Optimi Regis, & Parentis
 tui PHILIPPI ad Pontificem Maxi-
 mum, ad Cardinalium Collegium,
 cæterosque Romanæ Aulæ Ordines
 habui, timerem peccare me in publi-
 ca commoda, si Te in his præfer-
 tim auspicatissimi Regni tui primor-
 diis vel paululum detinerem. Nihil

A 2

enim

enim modó tam vel grandius , vel
gloriosius Europæ sermonibus cele-
bratur , quam tuus in Populis regen-
dis amor , fortunandisque liberali-
tas , & providentia . Quare cum ab
amplissima , regiaque fortuna acce-
peris posse , & ab excellenti natu-
ra tua habueris velle humano Gene-
ri benefacere , gaude , atque utere
isto tuo præclaro , divinoque bono ;
dum Tibi interea Orbis universus &
gratias agit , & plaudit .





U o d Regum amplissimo-
rum interitus in hoc fan-
ctissimo , augustissimoque
Religionis domicilio , ve-
teri more , atque institu-
to despectu publice soleat ,
ea , BEATISSIME PATER ,
potissima causa est , ut
illorum virtuti , comme-
moratis inter Sacra beneficiis , quibus Rem Chri-
stianam juverint , auxerint , amplificarint , debita
laus tribuatur , indeque omnes Ecclesiæ Ordines .
non tam ad eorum memoriam sterili luctu , aut
inani verborum præconio prosequendam , quam ad
eosdem serventius Deo , impensiusque commendand-

A 3

dos .

(VI.)

dos, quo non aliud grati animi testimonium vita functis utilius, excitentur. Quamobrem in his hodie honoribus PHILIPPO V. Hispaniarum Catholico Regi optimo perfolvendis prætereunda mihi esse intelligo, quæ non ad singularem ejus pietatem, Religionemque pertineant; nec tametsi ad eum exornandum certatim civiles, bellicæque virtutes, atque omnia omnium generum ornamenta confluerint, illis abripi patiar Orationem meam: Nec certe committam, ut, cum Ille pietatem, dum vixit, cæteris suis laudibus potiorum duxerit, & nunc fructum ejus uberrimum, & immortalē, ut sperare fas est, receptus Beatorum Sedibus capiat, alio apud nos commendetur laudationis genere, quam quo Ipse maxime velit; cum præsertim nulla sit catholico Principe dignior laus, & ab hujus sanctitate loci alienum prope videatur quidquid religiosum, aut cum religione conjunctum non sit. Celebrant itaque alii, per me licet, ac magnopere prædicent PHILIPPI V. res fortiter, ac præclare gestas; Ejusque, sive in gerendis, sive in conficiendis bellis fortitudinem, in adeundis periculis alacritatem, in negotiis administrandis solertiam, in florentissima demum fortuna potentiam, opes, auctoritatem, consilii vim, animi magnitudinem admirentur. Satis me tanti Viri memoriæ, satis dolori Tuo, satis expectationi, BENEDICTE Pontifex Maxime, facturum existimo, si pium, si religiosum fuisse ostendero usque adeo, ut pares in hac laude habuerit etiam

(VII.)

etiam ex privatis hominibus admodum paucos , & cum religiosissimis quibusque Regibus comparandus videatur .

Atque ut materiam rerum dicendarum amplissimam ordinate peragam , & certis quasi terminis circumscribam , duo maxime sunt , quantum ego arbitror , unde PHILIPPI pietatem æstimare certo possimus : alterum , quod ad Hispaniæ Regnum , non incertis , timidisque hominum consiliis , sed præcipua quadam Divini Numinis Providentia traductus fuerit : alterum , quod divini electioni in Regno administrando ita respondeat , ut re ipsa Rex a Deo electus , & ad Hispaniæ felicitatem constitutus videri merito posset . Quæ duo si non magnifice magis , quam vere a me dicta videbuntur , promptissimum unicuique erit constituere , quam eximia Ille pietate ab ipsa adolescentia , ac deinde in reliqua vita fuisse putandus sit , qui dominationem amplissimam , & qua nulla fortasse major in terris , Pietate promeruerit , Pietate gesserit .

Et vero si humanæ dumtaxat rationes subducerentur , si expenderetur unice conditio rerum , ut tunc erant , ac temporum : Cui veniret unquam in mentem opinari , Andegavensem Principem in Gallia natum , atque apud Ludovicum Avum , cui diuturna , ac gravissima bella hætenus cum Hispanis fuerant , educatum , in tanta Gentis utriusque æmulatione , ac tam aperto disfidio , ad Hispaniarum Regnum aliquando evasurum?

(VIII.)

rum? Fuerit Ille quidem ex ea stirpe progenitus, cuius tanta extitit semper non modo vis, atque potentia, sed bello etiam, ac pace virtus, ut qui ex ea nascuntur, Regnis vel regundis, vel acquirendis ipsa natura formati quodammodo videantur: Fuerit secundo Carolo affinitate, & sanguine conjunctissimus: Fuerit præter hæc institutus egregie sub insigni Præceptore Meldensium Antistite, atque omnibus regnandi artibus mirum in modum instructus: Fuerint tandem in Illo omnes Rege dignæ virtutes BORBONIÆ Genti maxime familiares: Quid hæc ad Regni spem, quam adversa quædam rerum omnium conspiratio penitus præcidebat? Nam & Carolus, tametsi affecta valetudine, florebat ætate adhuc; & novis contractis nuptiis Familiam ab interitu servaturus videbatur; & nihilominus sterili utens matrimonio, hæredem Regni ex Bojoariis acciverat. Gravia sane hæc, & quæ humanis rationibus expediri haudquaquam possent. Itaque si paulo post Regius Hæres in ipsis incunabulis præmaturo funere extinguatur; si post longam, & inquietam deliberationem Carolus novum sibi Successorem adsciscit hunc ipsum, de quo loquimur, Andegavensem Principem: Si demum ipse, supremis tabulis vix confectis, sine liberis moritur: cuinam id omne tribuendum, nisi præpotenti Numinis voluntati, quæ cum in humanis rebus omnibus dominatur, tum vero in hoc tam difficili, impeditoque negotio visa est optimi Principis insignem pietatem remunerari,

(I X .)

nerari , & Religioſiſſimæ Nationis felicitati conſulere voluiſſe ?

Leviora hæc tamen , ſi cum iis , quæ Caroli ſecondi mortem conſecuta ſunt , comparentur . Scis profecto , BEATISSIME PATER , quam prope factum ſit , ut PHILIPPUS jam Hiſpaniæ Rex ſalutatus , & ad cernendam Regni hæreditatem profectus , vi inde & armis deturbaretur . Scis quot ſimul Gentes armorum inter ſe ſocietatem coierint adverſus Eum , quantamque belli molem prope imparato intulerint . Nec vero eſt cur illius temporis clades , direptiones , incendia , quantoque mortalium ſanguine , & quam varia , ancipitique fortuna pugnatum diu ſit , denuo in memoriam revocemus . Unum dico , ſi obſtinäſſent animi bellum trahere donec lis ferro decerneretur , neſcire me quouſque progreſſurum eſſet ferale bellum , quamque in partem fortuna belli eſſet ad extremum inclinatura ; Attritis enim ſuperioribus præliis Hiſpaniæ Viribus , Amicorum opibus ex magna parte diſtractis , potentiſſimo exercitu cum infeſtis ſignis jam intra Regni fines recepto , ſciſſis in contraria ſtudia Populis , nondum ſatis firmata Imperii vi ; Quis certo conſequi poſſit , quem tandem exitum eſſet ea contentio habitura ? In hanc ſcilicet tam periculoſam , & ancipitem aleam adduci rerum ſummam oportuit , ut appareret , ſolo Dei nutu compreſſam illam procellam , ac diſſipatam fuiſſe . Nunquam enim aut uberius , aut clarius , quod ſcite admo-

A 5

nuit

(X.)

nuit Gryſoſthomus , Dei poteſtas ſumma , quam in ſumma rerum deſperatione ſe explicat : *Ut ubi natura ſacultas deſt , ibi potentia Condiſitoris effulgeat* . Et vero , cum maxime omnia ad perniciem inclinare videbantur , uno ex illis nec opinatis eventibus , quos imperitum Vulgus fortunæ jocos , nos certa Divini Numinis conſilia rectius appellamus , bellum illud teterrimum , ac ſempiternum momento reſedit : quodque magis mirere , rebus omnibus inter partes ex æquo & bono compositis , utrinque ab armis diſceſſum eſt . Sublato quippe in ipſo robore ætatis Joſepho Cæſare , Carolus frater in Germaniam ad Imperium evocatur , pax coaleſcit , Hiſpaniarum Regnum PHILIPPO relinquitur pacatiſſime poſſidendum . O magnam vim Numenve ſummi Rectoris , & Domini , per quem Reges regnant , Principes aominantur ! Quis in hac tot eventuum tam mira , tam ſecunda , opportunaque conſenſione , certiſſimum divinæ voluntatis argumentum non videat ?

Qua jam pietate fuiſſe putandum eſt eum Adoleſcentem , quem vix decem , & octo annos natum Deus Optimus Maximus tam apertis indiſciis ad regnandum elegerit , totque diſſectis moris , tot difficultatibus ſuperatis , in Regni tam opulenti poſſeſſionem immiſerit ? Scio equidem fuiſſe olim in Hebræo populo Viros divinitus ad regnandum electos , quorum deinde vita vitiis inquinatiſſima , Reique publicæ exitialis inventa ſit . Verum an unus aliquis reperiri poſſit , qui quo tempore ele-

(X.I.)

electus est , non supra reliquos pietatis laude emi-
nuerit , nescio : Et certe Saulem ipsum legimus ,
cum sacro inunctus oleo ; & regia dignitate in-
signitus est , non modo probum , & innocentem
fuisse , sed ea etiam morum , & vitæ integritate :
Ut non esset vir de filiis Israel melior illo *. Adeo
in oculis summi Numinis sola Pietas in pretio est ,
eaque una , ut ait Apostolus , ad omnia utilis in-
venitur .

Age vero . Qualem se deinceps PHILIPPUS
in Regno administrando præstiterit , atque utrum
tam præclaris initiis reliqua consenserint , videamus .
Principio id unum agere , id sedulo , ac di-
ligenter conari , ut in tanta rerum omnium jacta-
tione , ac tumultu , publicæ incolumitati prospice-
ret ; Populos in fide contineret ; rebellantes &
factiosos partim metu compesceret , partim be-
nignitate emolliret ; belli calamitates reficeret ;
tranquillitatem toto late Regno restitueret ; Rem
denique publicam miserandum in modum afflictam ,
prostratamque , denuo in splendorem , ac dignita-
tem pristinam excitaret . Quas porro non adhi-
buit curas , cui pepercit aut labori , aut industriæ ;
ut hæc omnia quam celeriter , feliciterque confici-
ceret ? Conscribendi erant maximi , ac potentis-
simi Exercitus ? Conscripsit . Arces operibus mu-
niendæ ? Munivit . Comparandæ Classēs , instru-
endæ acies , gerenda bella ? Comparavit , instruxit ,
egessit . Atque hæc animi tam incredibili firmitate ,

A 6

ut

* Reg. lib. 1. Cap. 9.

ut nec labores refugeret, nec pericula formidaret, nec objectis quibuscumque difficultatibus frangeretur. Quoties inedia, sitimque patientissime tolerantem; quoties labores, & pericula cum gregariis militibus dividentem; quoties sudore, & pulvere conspersum; quoties inter confertissimos hostium globos strenue dimicantem Hispani conspexere? Quæ illi cum viderent, beatissimos enim vero se prædicabant, quibus ejus indolis Princeps contigisset, quamque ab initio præceperant spem felicitatis suæ, non impletam modo, sed multis partibus superatam fatebantur.

Quid vero postea, cum debellatum ubique est, & post turbida illa, ac procellosa tempora, Regno tranquillitas reddita? Quid cum viderent bonas, & ingenuas artes, quæ diu temporum calamitate jacuerant, ejus industria erectas, fidem publicam quasi postliminio revocatas, compressas hominum nefariorum libidines injectis frænis, Imperii majestatem sanctioribus legibus vindicatam? Quid cum ante oculos haberent laxatam annonæ difficultatem, auctum, non tam novis Vectigalibus, quam Præfectorum fide, industriaque ærarium; urbibus olim florentissimis, & jam pene ad solitudinem Civium paucitate reductis, frequentiam restitutam; Mercimonia, nervos cujuscumque Reipublicæ, amplificata; purgatas a latronibus vias; Maria a Pyratarum excursionibus liberata? Quid inquam, cum hæc Hispani sibi utilia, gloriosa Regi, Na-

(XIII.)

Nationi universæ optatissima , & communibus votis prope majora intuerentur ? Quibus non incessisse lætitiis putandi sunt ? Erat omnium una vox , nunc demum apparere quid esset , quidve posset Hispania , cum Regnum illud opulentissimum Vir consilii potens , Animo excelsus , salutis , ac dignitatis publicæ studiosissimus obtineret . Nemo omnium fuit , qui non hunc Regem ad ejus Gentis felicitatem natum , factumque palam diceret , ac diserte profiteretur .

Verum dum hæc ego commemoro , erit fortasse in hoc augusto confessu qui tacitus commovere me velit , ut de PHILIPPI pietate sermonem inferam aliquando : quasi vero aliud egerim hæcenus , & ab instituto Orationis meæ longius aberraverim . Ita ne vero ? At quam quæso pietatem exquiritis ? Regis ne , an PHILIPPI ? Publicam , an privatam ? Duo enim hæc sunt , ut probe nostis , in unoquoque Principe generæ pietatis , non natura quidem , aut fine , sed certe officiis , institutisque discreta . Ac de priori illa quidem satis mihi multa verba fecisse videor , cum PHILIPPI Regis in tutando Regno providentiam , in adeundis pro salute publica periculis fortitudinem , in custodienda legum Sanctitate vigilantiam , in asserenda denique populorum felicitate solertiam in medium attuli . His enim artibus Reges Deum Optimum Maximum sibi demerentur præcipue , ad Eumque , cujus in Terris Personam , ac potestatem gerunt , quam proxime accedunt .

Quæ

(XIV.)

Quæ si nondum satis esse videbuntur , adde Justitiam , comitatem , beneficentiam , Religionis vel tuendæ , vel amplificandæ studium , aliasque virtutes ejusmodi , quibus Reipublicæ salus , atque felicitas continetur , quæque in PHILIPPO exorando ita certarunt , ut quæ supra cœteras eminerit , constituere certo non possis . Quis enim Illo in coercendis sceleribus aut severior , aut firmior ; qui non Reorum misero ejulatu , & lacrymis , non Procerum deprecationibus , non ipso carissimæ Conjugis interventu exorari unquam potuerit , ne Sontes pro modo culpæ plecteret , & in facinorosos legibus ageret ? Quis erga bonos , & strenuos Cives clementior , aut liberalior ? Cujus unquam Principis , quamdiu licuit , tanta facilitas in admissionibus ? Cujus tam effusa erga omne genus Hominum beneficentia ? Solitus neminem a se tristem dimittere , Ærarium sæpe exhaustit , ut virtuti præmium , aut incitamentum præberet , ut inopes , pupillos , viduas , ærumnolos omnes præfenti ope sublevaret , ut Religionem in primis , qua nulla illi cura prior unquam , aut potior , quam latissime amplificaret .

Equidem ad Religionem quod attinet , cum mecum ipse reputo , quibus Ille largitionibus splendorem Templorum , & Sacri Ordinis dignitatem provexerit , quantum pecuniæ numerum in alendis inter Americanos Evangelii Præconibus , quantum curarum in Barbarorum Nationibus ad Christum adducendis impenderit , non tam id egisse mihi

(X V .)

mibi videtur , ut regnaret Ipse , quam ut in Hispanicis ubique ditionibus Christus & Religio regnaret . Quo enim spectarunt illæ sæpius in Africam magno sumptu susceptæ expeditiones , jam ad Oranum ex Maurorum manibus recipiendum , jam ad Septam munitissimam Arcem , diuturna obsidione liberandam ? Quo illa in Californiam , in Thibetanum Regnum , in Marianas , aliasque recens detectas ejus Oræ Insulas , toties submissa hominum , argentique subsidia , nisi ut latius spargeretur Divina Religio , & quocumque vis , atque gloria Hispani Nominis pervasisset , eodem Divini Nominis cultus , & reverentia pervaderet ? Atque hæc demum est Principis præcipua pietas , quæ in commune bonum effundit se , nec tam ad propriam illius felicitatem , quam ad publicam pertinet . Hæc qui faciat , eum Nos Regem verum , & insigniter de christiana Republica meritum existimare debemus .

Quod si illam magis pietatem quæritis , quæ non tam Principis est , quam hominis , & privatis ut ita dicam virtutibus circumscribitur , citius profecto me dies , quam verba deficient , si exequi diligentius velim , quam ab omni flagitio Princeps innocentissimus abhorreret , ut animi cupiditates comprimeret , ut nulli severius , rigidiusque imperaret , quam sibi , ut pronus ad omnia Religionis officia esset . Nihil illo modestius , nihil vel in summa fortuna temperantius . Nunc in pio secessu dies integros divinarum rerum commentationibus

(XVI.)

tionibus tradere , nunc sacris Ecclesiæ Religionibus interesse , nunc Christiana participare Mysteria eorum vultus , ac totius corporis habitu , qui intuentium oculos admiratione defigeret , animos pietatis studio inflammaret . Quoties ab honestissimis etiam voluptatibus sibi interdixit , ne sensim a severiori virtute ad vitiorum blandimenta deflecteret ! Quoties arbitrum conscientiæ suæ , aliosque probos , & doctos Viros in consilium adhibuit , ne quid contra quemquam minus recte , aut parum considerate statueret ! Quoties ad Romanos Pontifices , & ad Te ipsum BEATISSIME PATER , literas dedit , sive ut eorum auctoritate , & responsis certas sibi Religiones , quibusangebatur , eximeret , sive ut in gravissimis explicandis negotiis eum sequeretur ducem , quem divinæ voluntatis interpretem esse non ignorabat !

Verum quid his ego fusius immoror frustra ? Regnum denique , atque illam omnem potentiæ , & imperii magnitudinem (exemplo ante Ipsum raro , nec scio an imitatores post ipsum habituro) abdicavit , ne quid in tanta occasione peccandi , quanta in summa potestate esse solet , de innocentia remitteret : Utque hanc , de qua dico , privatam pietatem securius consecraretur , privatus e tanto Rege fieri non dubitavit . Quid hic ego exequar totius Hispaniæ in illo tam inopinato Regis sui consilio complorationem , & luctum ? quid maiorem publicum omnium ætatum , atque Ordinum ? Quid lachrymas veluti in communi , atque acerbissima

(XVII.)

sima calamitate fusas ? Singulis perinde affectis , ac si suavissimas naturæ necessitudines abrumpere , aut a suo quisque Parente divelli cogerentur . Nihil tamen his infractus , aut de sententia dimotus est Vir animo supra communem modum excelsa , ingentique : Utque jam nihil præter Deum , & coelestia ante oculos habens , tradita Ludovico filio Regni administratione , & rebus omnibus mira sapientia compositis , perrexit quo se rapi divinitus sentiebat .

At oh fallaces hominum cogitationes ! Anno vixdum evoluta , cum maxime jucundissimum solitudinis , & otii sui fructum capiebat , ecce tibi iterum ad Regni curas , ad negotia publica revocatur , imo , ut verius dicam , retrahitur vel invitatus . Extincto enim in ipso ætatis flore Ludovico , quæque cum Eo feliciter adolescebat rerum optimarum spe momento excisa , non potuit PHILIPPUS non assentiri communibus Hispaniæ Votis , quibus denuo ad Imperium reposcebatur ; Qua in re , si aliorum obsequi voluntati maluit quam suæ , & privatæ quieti Reipublicæ commoda anteposuit ; fecit ille quidem quod erat optimi ac laudatissimi Principis ; sed quod fortasse nonnulli (ut imperita est hominum multitudo ,) non admodum admirentur . Verum quod oblatam potestatem nonnisi Populorum precibus exoratus acceperit ; Quod Sapientum super eo negotio consilium exquisierit ; quod Regii Principis FERDINANDI liberrimam consensionem accedere voluerit ;
Quod

(XVIII.)

Quod demum non ante acquieverit , quam hujus Apostolicæ Sedis Auctoritate ad Solium quodammodo reduceretur ; Id enim vero , quantum ego arbitror , tantum est , ut non minorem in repetendo Regno laudem , quam antea in dimittendo consecutus videatur.

Duos fuisse legimus (juvat enim ex ipsis aliorum vitiis lucem huic tantæ virtuti quærere : Et mirari subest , in summa rerum similitudine quantum intersit , quo res quæque proposito , quove animo fiat) duos , inquam , fuisse legimus retroactis temporibus Imperatores , Orientis alterum , alterum Occidentis , Maximianum , & Diocletianum , qui eodem prope tempore de abdicando Imperio consentientes , amplissimæ Dignitatis insignia cum privatæ vitæ securitate , & commodis commutarunt , seseque ultro in ordinem redegerunt . Verum Hic haud multo post ignobilis , & privatæ vitæ pertæsus , respectare Solium denuo ; donec potestatem malo consilio dimissam peiori molitione repetere ausus est , non cædibus , non rapinis . non innocentium sanguine abstinens , sibi ut rursus viam ad capessendam Rempublicam aperiret . Ille contra desidia vecors , & vitiorum veterno oppressus , ut multum orarent Populi , ac manus tenderent , seque illi , ac suos liberos , & salutem publicam commendarent , nunquam induxit animum , ut emergere e turpi otio , & ad labores Imperii regredi vellet . Sic illi scilicet , quibus in priori deliberatione non virtus ulla , non reli-

(XIX.)

religio ; sed vel inanis gloriæ studium , vel so-
cordia , præiverat : Ut minime mirum sit , qui
Sceptrum ambitiose projecerat , eum ambitiosus
recipere conatum esse : qui vero per ignaviam , &
sola regnandi satietate fecerat , factum emendare
cum posset , & omnino deberet , pertinaciter no-
luisse . Multum horum Tu dissimilis , PHILIPPE
Rex gloriosissime . Sola Te a Regno distraxit Pie-
tas , sola ad Regnum retraxit ; Eadem privatæ ,
& tranquillæ vitæ hortatrix , Eadem laboriosæ ,
ac publicæ , ut privatæ , publicæque rationes po-
stulare videbantur . Fuit id præstantissimæ , di-
vinæque virtutis tuæ , & Imperium abdicare cum
licuit , & repetere cum oportuit , & in utro-
que vitæ instituto , Deo , Tibi , Reipublicæ ex
æquo satisfacere . Fruere nunc ista tam excellen-
ti laude , cujus socium habes fortasse neminem ,
cujus memoriam tota posteritas alet , ac nulla
unquam obliterabit oblivio .

Qua deinde integritatis , & Sapientiæ fama
PHILIPPUS , quam secunda bonorum omnium
approbatione , Regnum ita receptum reliquo vi-
tæ tempore retinuerit , non Te latet , BEATISSI-
ME PATER ; nec est ut ego Te longiori rerum
notissimarum narratione detineam . Ita plane re-
gnavit usque ad extremum , ut Eum decuit , quem
ad tantum honoris , & potentiæ fastigium , non
casus , non ambitio , non hominum incerta judi-
cia , sed mira quædam , & non obscura Numinis
Providentia provexerat . Dei nutu Hispaniarum
Rex

(X X .)

Rex constitutus , consilia sua omnia ad Deum retulit : quibusque artibus Regnum ab ipsa adolescentia promeruerat , iisdem perpetuo gessit . Ut si pulchrum illi , gloriosumque fuit eligi ad tantam præfecturam a Deo , pulchrius multo , gloriosiusque sit , divinæ electioni , quantum homini fas est , respondisse , eamque vita præclarissime acta quodammodo commendasse .

Quis jam talem Regem ac tantum non diutissime cuperet sospitem ac salvum esse ? Quis tam repentino ereptum interitu non vehementer doleat ? Cujus doloris si partem aliquam Catholicæ quæque Gentes , ut in communi damno , capere debent , si præcipuam Hispani sibi , nec immerito , sumunt ; quo tandem animo esse oportet hanc Urbem Religionis Sedem , ad quam omnia Ecclesiæ vulnera singulari quodam , ac proprio jure pertinent . De Te quidem , BEATISSIME PATER , nihil dubito , quin hujus moerorem funeris acerbissime feras . Namque ut omittam jacturam multo gravissimam in Principe summe pio , & vero catholico factam ; probe nosti , quo Ille animo erga Te esset , quam addicto , quam benevolo , quam in rebus omnibus obsequenti . Nec vero pauca hujus rei , aut obscura indicia habuisti . Atque ubi cætera deessent , illud certe luculentissimum , quod haud ita pridem Filium ejus amantissimum Carolum Neapolitanum Regem ad tuos pedes accidentem vidisti , & egregiæ voluntatis sensa verbis officiosissimis expromentem

(XXI.)

mentem audivisti. Quæ tunc jucunditas animi Tui ! Quis gaudii sensus , erumpentibus interdum lachrymis explicatus , cum Regem virtute sua spectatissimum , in Eoque paternæ virtutis vivam , & spirantem imaginem amplexareris !

Sed profecto omnes quotquot in hoc loco versamur , afficere debet PHILIPPI Regis obitus , omnibus doloris justam exhibet causam , nec sane levem . Nam quis illo erga hanc Aulam Sacerdotalem & Regiam , aut amicier unquam , aut observantior ? Quam honorifice de amplissimo Cardinalium Ordine ille sentiret , vel inde satis , opinor , existimare possumus , quod unum è suis Liberis magnæ spei adolescentem , inter Eos cooptandum , & Eminentissimæ Dignitatis insignibus ornandum curaverit . An vero est vestrum quisquam , qui non memoria retineat illud PHILIPPO Regi præclarum , nobis jucundissimum tempus , cum soluta Septæ obsidione , cæso , profligatoque Maurorum potentissimo Exercitu , non modo Victoriæ nuncium , sed & erepta Barbaris Signa in hanc Urbem transmisit ? Vidimus tunc Insignia illa barbarica Pontificiis pedibus advoluta , & nunc etiam suspensa in Æde Virginis , quam a Victoriæ nominant , intuemur : Trophea splendida , non tam Victoriæ , quam Pietatis , nec tam bellicæ Virtutis , quam benevolentiae erga Nos , erga Romanos Pontifices observantiæ publica monumenta ; Et meministi , credo , BEATISSIME PATER , qua tunc verborum gravitate magnus

(XXII.)

gnus ille Pontifex Clemens XI. ad Cardinales differuerit, quibusque laudibus PHILIPPI V. Virtutem, Fidem, Religionem, & immortalia erga Sedem Apostolicam merita exornaverit.

Si ergo Principem, non modo Religiosum, & summe pium, sed amicum præterea, & rebus nostris apprime addictum amisimus, erumpat aliquando inclusus sinu justissimus dolor, quem in tanto bonorum omnium luctu, in tanto Religionis, ac nostro damno nefas comprimere. Sed ne sterile sit lacrymarum officium, addantur Christiano ritu piacula, Illi fortasse non necessaria, sed tamen debita. Quod si lenimentum aliquod gravissimæ acerbitati adhibendum est, reflectamus tantisper oculos a Parente optimo, ad optimum Filium, qualemque Ille post se Regem reliquerit, quam pium, quam splendidum, quam sibi similem, consideremus. Nec enim extinctus omnino videri debeat PHILIPPUS, superstite FERDINANDO; nec certe elatæ cum Illo sunt Ejus virtutes eximæ, quas florentes adhuc, & in eodem Solio, ad Hispaniarum felicitatem, ad Religionis præsidium, ad commune solatium humani generis, constitutas videmus.



IMPRIMATUR.

Si videbitur Reverendissimo Patri Magistro Sacri
Palatii Apostolici.

F. EM. de Rubeis Archiep. Tarfen. Vicefg.

IMPRIMATUR.

F. Aloysius Nicolaus Ridolfi Sacri Palatii Aposto-
lici Magister Ordinis Prædicatorum.

